

TEST DI CUMPRINSONI ISCHRITTA

(i l'isgjàminu abarani ad assevvi tre testhi)

Disipirazioni

Antoni Maschu Masthrazzu, un giobanu di trenta o trentazinc'anni, asthu, robbusthu e fosthi, era l'unicu fradeddu di Maria Mascha Vigliana.

Dui pobari basthasdhi, cumentì zinn'è tanti oggi in di, cun li tempi prugrididdi, abbandunaddi a la so' sosthi, da minori senza casa e nè carigni. Fradeddu e suredda si vuriani be' immensamenti.

S'erani fatti manni cun l'aggiuddu di li propri brazzi, acchi no timiani lu trabagliu.

Tutt'e dui trabagliabani che remu di garera: Antoni fazia lu carriaggiu, l'ommu di murinu, lu carrattoneri, andaba a ciogga e finza a pischà anghidda; Maria andaba a ciogga cun lu fradeddu, o a infirà tabaccu, o accugli ariba, a labà e a ipiggurà. S'inzignabani insomma a tuttu.

Antoni fazia di babbu a Maria, e guai a ca vi la tuccaba, e Maria fazia di mamma a Antoni, e guai si caschi notti si ritiraba a tasdhu!

Dunca, la notti di l'intoppu di Maria cun Pèbar in curu, Antoni Maschu Masthrazzu, mezu lantaddu, s'era ritiraddu a ora di li dezi.

Lu no acciappà la suredda in casa, a chiss'ora, li fesi passà li fummi di lu vinu, e andesi di gianna in gianna, pa lu vizinu e a li casi cunisciddi, a zischa di la suredda. Nisciunu sabbia dilli nudda.

Disipiraddu, maravigliaddu, dabboi di mezzanotti, no sabbendi più cosa fa, si zi turesi a casa e si lampesi i lu casarettu pa' ripusassi più che pa' drummì. Dugna ischimuza chi intindia in carrera abbia la gianna. Cussì passesi la nuttadda. Aggiummai vusthesi lu zaibbeddu!

Pa' tutta la di in fattu la zischesi pa' mari e pa' terra, ma senza nisciun fruttu.

La sigunda notti passesi cumentì la prima.

Appassiguaddi

A la terza di, in postha di mazeddu, pa' pura cumbinazioni, intindisi l'innommu di la suredda misciaddu a chiddu di Pebar in curu. Iffrabburaddu s'avvizinesi a la cumitiba a dumandà ipiegazioni. Cussì vinisi a sabbè chi Maria era in prizioni accusadda d'abè avvirinaddu a Pèbar in curu. Cument'un maccu s'ischappa a curri e z'azza a l'ippidari. Dumanda di fabiddà a Pèbar in curu ma li sàrrani la gianna in faccia. Tandu z'azza currendi a Santu Basthianu. Lu matessi.

Pa' vidè la suredda vi vo un pijmmissu di lu gubernadori ginarari. Zi fara currendi a la Ziddai vecchia, ma no li dàzini udienza e a fini di tantu, più disipiraddu che mai, si n'anda a casa e s'isthrampa che saccu d'ossi.

L'affutta, l'isthracchitudini e lu durori li vinzini li fozzi, e acciappa lu sonnu.

Antò... Antò...

Antoni è drummiddu a sonn'isciostru di prima susthu e no intendi mancu lu cannoni.

Antò... Antò...

Maria Mascha Vigliana, (è edda chi è intradda in casa) si baxia lu fradeddu e lu lassa drummi in pazi, cumprendendi chi debi d'assè isthraccu. Dabboi piglia lu furreddu e azzendi dui preddi di caibboni. Pobaretta è tettara di lu freddu. Abbri poi lu caràsciu di la banchitta e v'incontra un corru di cagnurinu, tosthu che la predda. Deb'assè ancora da prima d'intrà in prizioni. Si l'infondi in l'eba e si lu magna che abbramidda, pusadda affaccu a lu foggu.

Passa cussì un quasthu d'ora. Maria Mascha Vigliana pensa a la marasosthi capitadda e ni li schappa una funi di pientu. Senza mancu vurellu, no s'ammenta più chi in lu casarettu v'è lu fradeddu drummiddu, e cridendisi sora, piegni un poggu fosthi.

Antoni intantu s'è sunniendi zesthamenti di la disaura capitadda a la suredda, e, forse puru pa' lu muimmutu di lu pientu, s'iscedda ipramaddu ciamendi a bozzi manna:

- Maria, Maria...

La suredda si ni pesa infraburadda e curri affaccu a lu fradeddu, lampendisiri in brazzu e si lu baxia.

Antoni era ancora sott'a l'imprissioni di candu s'era cuschaddu, sabbendi la suredda in prizioni, e cussi credi màzzuru di li ciabi, rusari e gruzitteddi, e li dumanda:

- Dove andate?

Zeschu a Pèbar in curu.

- Avete un permesso?

- Sissignora, la missignoria.

- Ma avete il permesso scritto dal direttore o dal governatore?

No soggu ischribì e no cunnosciu nè a unu e nè all'asthru.

- Ma qui senza permesso speciale, salvo nei giorni e nelle ore prescritte per la libera entrata, non si può parlare con nessuno.

- La missignoria abà mi l'è fendi un poggu troppu longa, ed èju àggiu pressa.

Fòziami vidè a Pèbar in curu, li diggu dui paràuri, un baxiu, un pizziggu e un mossu, e mi l'avviu.

La monza no sa più a ca'pasthi dassi. Pa' bona sosthi sòja, arribi i lu mamentu un signori grassu e bassu chi paria una cubbetta.

- Cosa c'è, sorella?

Antoni Maschu Masthrazzu, si l'abbaidda e pensa: «debi d'assè lu fradeddu...»

In poggì parauri, sorre Paurina ipiega a lu signori, chi è un duttori di nuttadda, tuttu l'accaduddu.

Lu duttori, tandu, dumanda a Antoni:

- Chi siete voi?

- Antoni Maschu Masthrazzu, lu fradeddu di Maria Mascha Vigliana; soggu giuntu a vidè a Pèbar in curu pà ipiagammi cumentì so andaddi li così.

Lu duttori dizi dui parauri a la monza e dabboi dizi a Antoni a punillu fattu.

- Già vi vuria!.. – murrugneggia Antoni.

Si frea li mani e poni fattu allegr' allegru. Passani in tanti camaroni, girani in tanti curridori, e finzamenti arribini a un camaroni mannu mannu.

da Filippo Olandi (a cura di) (1990): *Anonimo sassarese. Antonino Saba 1886-1942. Le gobbule, i sonetti, i romanzi, i racconti*. Sassari: L'Asfodelo editore.

I. Cumpreta li frasi i' la manera giustha

1. Antonio e Maria so:
 - a. fradeddu e suredda
 - b. babbu e figliora
 - c. innamoraddi
2. Candu Antonio no acciappa Maria in casa:
 - a. esci subiddu pa' andà a zirchalla
 - b. è imbriaggu e si zi corcha
 - c. anda a zirchalla a casa di Pèbar
3. Maria è in prisgioni acchi è accusadda di:
 - a. abè furaddu lu pani
 - b. abè avvirinaddu Pèbar
 - c. abè aggrididdu un pubbricu uffiziari
4. Candu Maria esci di prisgioni, torra a casa e:
 - a. acciappa Antonio isciddaddu aisittèndira
 - b. acciappa Antonio drummiddu e pa' primma cosa azzendi lu foggu pa' ischaldhissi
 - c. acciappa Antonio drummiddu e pa' primma cosa zercha da magnà

Chiavi: 1.a; 2.a; 3.b; 4.b.

II. Ripondi a li prigunti isciubarendi la ripostha giustha.

1. Cosa fazini Maria e Antonio?
 - a. Trabagliani dugna tantu cun chissu chi acciappani
 - b. Accogliani ciogga
 - c. Fùrani
2. Cumentu fazi Antonio a ischubià chi Maria è in garera?
 - a. La vedi acciaradda da lu balchoni di Santu Basthianu
 - b. Intendi fabiddà d'edda da genti in carrera
 - c. Vi lu dizi Pèbar
3. L'accusi di li quari Maria è incuippadda so veri?
 - a. Lu testhu no ni fabedda
 - b. Sì
 - c. No
4. Candu Maria torra a casa cosa acciappa da magnà?
 - a. Pani tosthu e no ni magna
 - b. Pani tosthu infusu cun l'eba chi magna abbramidda
 - c. No acciappa nudda

Chiavi: 1.a; 2.b; 3.a; 4.b.

TEST DI CUMPRINZIONI ORALI
 (i l'isgiàminu abarani ad assevi tre audio)

Scarica il file audio allegato

I. Aischoltha la registrazioni e associa l'annu a l'eventu giusthu.

1956	1968	1964	2019	1959	2011	1965	1962	2014
------	------	------	------	------	------	------	------	------

	Ischumenzu di lu pruzessu di traifummazioni in chimigga verdhi
	Attibazioni di un impiantu fotovulthaiggu da parthi di ENI
	Ischumenzu di la produzioni di fenoru
	Ischumenzu di la produzioni di cumeni e etireni
	Ischumenzu di la produzioni di cumeni e isthireni
	Inaugurazioni di una raffineria di pidrorriu
	Nàscidda di lu poru industhriari
	Inaugurazioni di lu primmu impiantu di Matrica
	Frabbigazioni di la SIR

Chiavi:

1956	Nàscidda di lu poru industhriari
1959	Frabbigazioni di la SIR
1962	Ischumenzu di la produzioni di fenoru
1964	Ischumenzu di la produzioni di cumeni e isthireni
1965	Ischumenzu di la produzioni di cumeni e etireni
1968	Inaugurazioni di una raffineria di pidrorriu
2011	Ischumenzu di lu pruzessu di traifummazioni in chimigga verdhi
2014	Inaugurazioni di lu primmu impiantu di Matrica
2019	Attibazioni di un impiantu fotovulthaiggu da parthi di ENI

II. Aischoltha l'audiu e segna si chisti affeimazioni so veri o fazzi.

1. La zona industhriari di la Marinella è manna 2131 ettari	V	F
2. Tra li mutibazioni di la creazioni di lu poru industhriari v'è la lotta a la disoccupazione	V	F
3. È isthadda isciubaradda Porto Torres soru acchì era vizina a Sassari.	V	F
4. Angelo Rovelli acciappa li capitari cu' la leggi 623/1959 e ischumenza a frabbiggà cu' li dinà di lu "Credito industriale sardo"	V	F
5. Tra li firieri produttimi v'era puru chissa di lu PVC	V	F
6. Lu mudellu economiggu era umbè dèbiri e i' lu 1979 lu gruppu Rovelli era pienu di buffi	V	F
7. Tra lu 2003 e lu 2010 la murthariddai pa' tumori di l'apparaddu rippiratoriu i' la zona di Porthu Torra era di mancu di lu 49%	V	F

Chiave: 1. F; 2. V; 3. F; 4. V; 5. V; 6. V; 7. F.

TEST DI ANÀLISI DI LI ISTHRUTTURI CUMUNICATIBI

I. Cumpritteddi lu testhu isciubarendi li foimi giusthi cuntinuddi i lu quadru.

6 punti (0,30 pa' dugna ripostha giustha)

dumandabani	resisthenzia	dizisioni	mutibu	piemontesi	ischadinaddu		
incuminzaddu	rasgioni	infirozzidda	ibarchendi	gubennu	ischindidda		
patriottiggu	ammenta	fozza	zittadini	isthaddi	sardhi	curona	insudifazioni

La di di la Sardhigna

La di di la Sardhigna è la festha di lu poburu sardhu chi _____ li cussidditti “Vèipari Sardhi”, ossia la ribillioni poburari di lu 28 d’abriri 1794 cu’ la quari s’alluntanarani da Cagliari li piemontesi e lu viceré Balbiano, appò di la ricusa di lu _____ torinesu di sudifà li dumandi di Pìsula titurari di lu Regnu di Sardhigna.

Li sardhi _____ chi li fussia arribbadda una parthi di l’impieghi zibiri e miritari e una più manna autonomia ripettu a li _____ di la crassi dirigenti locari. Lu gubennu piemontesu s’era rifiutaddu d’accugli cassisia dumanda, pa chisthu _____ la borghesia di la ziddai cu’ l’aggiuddu di lu resthu di la puburazioni abìa _____ lu mutu di ribillioni. Lu mubimentu di ribillioni era _____ i’ l’anni ottanta di lu Settizentu ed era proseguiddu i’ l’anni Nobanta, tucchendi tutta canta l’isura. Li _____ erani d’ordhini puritiggu ed ecunomiggu umpari.

Lu mutibu di l’_____ era naddu acchì la Sardhigna era isthadda trasginadda i la gherra di la Franza riboruzionaria contru l’_____ europei e tandu contru lu Piemonti. I’ lu 1793 una frota franzesa abìa zirchaddu di pigliassi l’isura _____ in Carloforte e dabboi in Cagliari.

Li _____ parò ani zirchaddu di risisthì pa difindi la terra sobratuttu da li _____ chi abiani la Sardhigna.

Chista _____ abìa entusiasmaddu l’animi, pa chisthu vuriani un ricunniscimentu e una ricumpinsa da lu gubennu sabaudu pa la fedì a la _____.

L’_____ chi abìa fattu ischuppià la cuntesthazioni era isthadda l’arresthu ordhinaddu da lu viceré, di dui capi di lu parthiddu _____, l’avvucaddi cagliaritari Vincenzo Cabras ed Efisio Pintor. Semmu tandu i’ lu 28 abriri di lu 1794. La puburazioni _____ abìa dizisu d’alluntanà da la ziddai lu viceré Balbiano e tutti li piemontesi, chi i’ lu mesi di maggiu di chiss’annu erani isthaddi (fùsini) imbarchaddi cun la _____ e mandaddi torra i’ la resgioni d’eddi. Incuraggiaddi da li fatti cagliaritari li _____ di L’Ariera e di Sassari fèsini lu matessi.

Chiave:

La di di la Sardhigna.

La di di la Sardhigna è la festha di lu poburu sardhu chi ammenta li cussidditti “Vèipari Sardhi”, ossia la ribillioni poburari di lu 28 d’abriri 1794 cu’ la quari s’alluntanarani da Cagliari li piemontesi e lu viceré Balbiano, appò di la ricusa di lu gubennu torinesu di sudifà li dumandi di Pìsula titurari di lu Regnu di Sardhigna.

Li sardhi dumandabani chi li fussia arribbadda una parthi di l’impieghi zibiri e miritari e una più manna autonomia ripettu a li dizisioni di la crassi dirigenti locari. Lu gubennu piemontesu s’era rifiutaddu d’accugli cassisia dumanda, pa chisthu mutibu la borghesia di la ziddai cu’ l’aggiuddu di lu resthu di la puburazioni abìa ischadinaddu lu mutu di ribillioni.

ZERTHIFIGGAZIONI DI LIBELLU C1 DI SASSARESU

Simurazioni di Pìsgjàminu

Unibessitai di Sàssari

Lu mubimentu di ribillioni era incuminzaddu i' P'anni ottanta di lu Settizentu ed era proseguiddu i' P'anni Nobanta, tucchendi tutta canta P'isura. Li rasgioni erani d'ordhini puritiggu ed ecunomiggu umpari.

Lu mutibu di P'insudifazioni era naddu acchì la Sardhigna era isthadda trasginadda i la ghera di la Franza riboruzionaria contru P'isthaddi europei e tandu contru lu Piemonti. P' lu 1793 una frota franzesa abia zirchaddu di pigliassi P'isura ibarchendi in Carloforte e dabboi in Cagliari.

Li sardhi parò ani zirchaddu di risisthì pa difindì la terra sobratuttu da li piemontesi chi abiani la Sardhigna.

Chista resisthenzia abia entusiasmaddu P'animi, pa chisthu vuriani un ricunniscimentu e una ricumpinsa da lu gubennu sabaudu pa la fedì a la curona.

L'ischindidda chi abia fattu ischuppia la cuntesthazioni era isthadda P'arresthu ordhinaddu da lu vicerè, di dui capi di lu parthiddu patriottiggu, P'avvucaddi cagliaritari Vincenzo Cabras ed Efisio Pintor. Semmu tandu i' lu 28 abri di lu 1794. La puburazioni infirozzidda abia dizisu d'alluntanà da la ziddai lu vicerè Balbiano e tutti li piemontesi, chi i' lu mesi di maggiu di chiss'annu erani isthaddi (fùsini) imbarchaddi cun la fozza e mandaddi torra i' la resgioni d'eddi. Incuraggiaddi da li fatti cagliaritari li zittadini di L'Ariera e di Sassari fésini lu matessi.

II. Cumpreta lu testhu cu' li connettibi, l'avveibi, li congiunzioni, li pripusizioni giusti, isciubarendi tra chissi chi vi so i' la tabella.

6 punti (0,30 pa' dugna ripostha giustha)

o	a	lu	puntu	d'	in	puru	candu	di	chiddu	tempu	pa'	chi	cun	dabboi
di	cu'	so	francu	cumentu	duranti	undì	in	in	calchi	modu				tra
P'	lu													

Sassari capitari

_____ Mediu Evu la Sardhigna era imparthidda in quattu regni, _____ giudicaddi, indipendenti: Torres, Gaddura, Aiburìa e Callori. Terres e Callori pigliabani P'innommu da li dui capitari: Torres, _____ sardhu Torres, chi abà è Porthu Torra e Callori, abà Castheddu. Sassari fazia parthi di lu giudicaddu di Torres e _____ la capitari era isthadda abbandunadda _____ P'attacchi di li mori era dibintaddu più impurthanti.

Naddu _____ biddu, Sassari, _____ P'innommu onginariu, in sardhu, era Thàthari, era immannittaddu _____ assé ziddai. Finiddu lu Giudicaddu di Torres Sassari s'era costituiddu cumentu comuna pazzionadda _____ Pisa. È a di chi era autonomu ma _____ dipendenti da li pisani. _____ la battaglia di la Meloria di lu 1284, candu Genova abia vintu a Pisa, Sassari s'era pazzionaddu _____ li genuvesi. P' lu 1323 la Curona d'Aragona abia invasu la Sardhigna. Di li quattu Giudicaddi n'era rishaddu _____ unu, lu d'Aiburìa, chi a un zerthu puntu abia unificaddu tutta canta la Sardhigna, _____ Castheddu e L'Ariera, chi erani rishaddi a P' aragonesi. _____ la ghera _____ sardhi e caddaranu-aragonesi Sassari è isthadda P'ulthima capitari di Aiburìa.

Pessa la ghera, P'ulthimu re d'Aiburìa Guglielmu abia rinunziaddu a lu regnu _____ e la Sardhigna abia pessu P'indipendenza. _____ è rishaddu P'ammentu i' P'Aiburìa, la parthi di la ziddai _____ li suldhaddi aiburesi s'erani appusintaddi, e _____ chisthi vessi:

Aiburea Aiburea
e li so' suldhaddi
Z'ani libbaradd;
Da tanta genti fea
Chi zi vuria pigliò
Prendi e cantu z'à.

Chiave:

Sassari capitari

P' lu Mediu Evu la Sardhigna era imparthidda in quattru regni, o giudicaddi, indipendenti: Torres, Gaddura, Aiburìa e Callori. Terres e Callori pigliabani l'innommu da li dui capitari: Torres, in sardhu Turres, chi abà è Porthu Torra e Callori, abà Castheddu. Sassari fazia parthi di lu giudicaddu di Torres e candu la capitari era isthadda abbandunadda pa' l'attacchi di li mori era dibintaddu più impurthanti.

Naddu cumenti biddu, Sassari, chi l'innommu onginariu, in sardhu, era Thàthari, era immannittaddu a lu puntu d'assé ziddai. Finiddu lu Giudicaddu di Torres Sassari s'era costituiddu cumenti comuna pazzionadda cun Pisa. È a di chi era autonomu ma in calchi modu dipendenti da li pisani. Dabboi di la battaglia di la Meloria di lu 1284, candu Genova abia vintu a Pisa, Sassari s'era pazzionaddu cu' li genuvesi. P' lu 1323 la Curona d'Aragona abia invasu la Sardhigna. Di li quattru Giudicaddi n'era rishaddu soru unu, lu d'Aiburìa, chi a un zerthu puntu abia unificaddu tutta canta la Sardhigna, francu Castheddu e L'Ariera, chi erani rishaddi a P' aragonesi. Duranti la ghera tra sardhi e caddaranu-aragonesi Sassari è isthadda l'ulthima capitari di Aiburìa. Pessa la ghera, l'ulthimu re d'Aiburìa Guglielmu abia rinunziaddu a lu regnu puru e la Sardhigna abia pessu l'indipendenza. Di chiddu tempu è rishaddu l'ammentu i' l'Aiburìa, la parthi di la ziddai undf li suldhaddi aiburesi s'erani appusintaddi, e in chisthi vessi:

Aiburea Aiburea

e li so' suldhaddi

Z'ani libbaradd;

Da tanta genti fea

Chi zi vuria pigliò

Prendi e cantu z'à.

III. Ischribiddi li frasi ciambendi la parthi sotturineadda cunfoima a lu chi v'è ischrittu tra parentesi, isciubarendi la ripostha giustha tra li tre pruposthi.

4 punti (0,5 punti pa' dugna ripostha giustha e cumpreta)

1. Lu Cunsigliu resgiunari **à approbaddu** una leggi noba.
(*ciamba la frasi attiba in frasi passiba*)
 - a. Una leggi noba è isthadda approbadda da lu Cunsigliu resgiunari
 - b. Lu Cunsigliu resgiunari approbési una leggi noba
 - c. Una leggi noba è approbadda da lu Cunsigliu resgiunari
2. **La suipinsioni immediadda** di l'attividdai à evitaddu chi vi fússiani althri danni.
(*mutà lu nommu in veibu e cunfuimà la frasi in manera giustha*)
 - a. Attrabessu la suipinsioni immediadda di l'attividdai è isthaddu evitaddu chi vi fússiani althri danni
 - b. L'attividdai è isthadda suipesa subiddu, evitendi chi vi fússiani althri danni
 - c. La suipinsioni immediadda di l'attividdai è isthadda evitadda da li cullaboradori
3. Lu cumitaddu **à approbaddu** lu prugettu a daboì d'un dibàttidu longu.
(*mutà lu veibu in nommu e cunfuimà la frasi in manera giustha*)
 - a. Lu prugettu è isthaddu approbaddu da lu cumitaddu a daboì d'un dibàttidu longu
 - b. Lu cumitaddu abia approbaddu lu prugettu a daboì d'un dibàttidu longu
 - c. L'approbazioni di lu prugettu da parthi di lu cumitaddu è avvenudda a daboì d'un dibàttidu longu

4. **Candu è arribiddu lu timpurari, zi semmu riparaddi suttu a lu purthiggari**
(mutà la frasi espricidda in frasi impricidda)
- Arrividdu lu timpurari, zi semmu riparaddi suttu a lu purthiggari
 - Candu arribi lu timpurari, zi riparemmu suttu a lu purthiggari
 - Sigumenti è arribiddu lu timpurari, zi riparemmu suttu a lu purthiggari
5. Éra cuntentu **d'abé passaddu l'isgiaminu.**
(mutà da frasi implricidda a frasi espricidda e da frasi attiba a frasi passiba)
- Era cuntentu chi l'isgiaminu è passaddu.
 - Era cuntentu chi l'isgiaminu fùssia isthaddu passaddu
 - Era cuntentu di passà l'isgiaminu
6. Lu crienti **è isthaddu cunvucaddu** da la banca **pa' cunfirmà** li daddi anagrafigghi soi.
(mutà da frasi passiba a frasi attiba e da frasi espricidda a frasi impricidda)
- La banca ha cunvucaddu lu crienti pa' cunfirmà li daddi anagrafigghi soi
 - La banca ha cunvucaddu lu crienti e à cunfirmaddu li daddi anagrafigghi soi
 - Lu crienti veni cunvucaddu da la banca pa' cunfirmà li daddi anagrafigghi soia

Chiave: 1.a; 2.b; 3.c; 4.a, 5.b; 6.a.

IV. In dugna frasi, isciubareddi la paràura cu' la grafia cunfòima a lu standard tra li tre chi so pruposthi tra parentesi.

4 punti (0,5 punti pa' dugna ripostha giustha)

- Lu sàbbaddu umbè di volthi si fazia una minesthra di carri e un'insaradda cu' l'obi _____.
(buddiddi / buddhiti / budhiti)
- Cunnòscini sempri cumenti li so' busciàccari tutti l'otturini di li tanchi, ancóra li piú _____ di frascha e di rù, ma no vi pàssani guasi piú.
(infruschaddi / infruscaddi / ifrattaddi)
- A Ninu zappurési, ommu di vigna, ischurthiggaddu da dui trai rudi, _____ la péddi a agu e firu.
(cusgèndiri / cusgèndili / cusgèndilì)
- La mezzadrìa era un cuntrattu tra lu padronu e lu pasthori. Si fazia un'ischrittura pribadda o si registhraba da lu _____.
(nutaiu / notaio / notaju)
- In generari éra un cuntrattu a tempu indeterminaddu, parò si saristhia dubuddu rinnobà dugn'annu, la dí di _____.
(Santu Giuanni / Santu 'Juanni / Santu Gjuanni)

6. Allinemmuzi; pianèmmuzi l'occi e li puimoni; poi zi ni faremmu, primma chi chistu ventareddu zi _____!
(*cungeria / cunghjèlia / cugnèlia*)
7. Tutti sabíani chi si _____ soru pa' li dinà di lu sussídiu chi prummittíani.
(*parthìa / palthia / pasthia*)
8. Nina no pudia fà l'obu, a _____ dubia cuntallu
(*calchunu / karchidunu / quarchidunu*)

Chiavi:

1. buddiddi
2. infruschaddi
3. cugèndiri
4. notaio
5. Santu Giuanni
6. cungeria
7. parthìa
8. calchunu

TEST DI PRODUZIONI ISCRITTA

Ischiubareddi dui tracci tra li tre chi so pruposthi e, ripittendi tutti l'indicazioni ischribeddi dui testhi longhi 200-400 parauri.

- 1) LETTARA FÒIMMARI: Lettara di recramu a lu Municipiu
Si ischribia una lettara fuimari a lu Municipiu di residenza per lamintà un parthicurari disseviziù uibanu.
Si indichèggia l'oggettu, l'indirizzi di riferimentu (puru invintaddi), si ripèttiani li fòimuri di cortesia e saruddu adatti a lu cuntestu di la lettara fuimari.
- 2) SAGGIU BREBI: Ambienti e repunsabiriddai individuari
Lu ciambamentu crimatiggu è una di li iffidi più urgenti di lu tempu nosthru. Car è la repunsabiriddai di la passona i' la lotta contru a lu rischaldhamentu grobari e cumentu po' cuntribui in concretu?
- 3) TESTHU CREATIBU:
Una di parthicurari: immàgineggia di vibì un avvenimentu isthoriggu impurthanti (la fini di una ghera, l'isciobaru di un papa, un eventù puritiggu) e raccòntaru attrabessu la pagina di diariu di una cassisia passona.

TEST DI PRODUZIONI ORARI

I. Interazioni di 2-3 minuti. Isciubareddi unu di li tre arghumenti pruposthi e cuminzeddi a cuntrasthà pigliendi la parthi di l'interlocudori A o di l'interlocudori B.

1. Li pussibbiriddai chi offri lu turismu a lu territoriu.
L'interlocudori A la vedi in manera ottimisthigga e pusitiba, mentri l'interlocudohri B è piú pessimista e timmi, a esèmpiu, li peggju effetti di lu turismu di massa. isciubareddi la parthi e diffindiddi lu puntu di vistha soiu
2. Immagini di minori i li social network.
L'interlocudori A è a fabori, mentri l'interlocudori B è cuntràriu. Isciubareddi la parthi e diffindiddi lu puntu di vistha soiu
3. Rigisthrà la nàscidda d'una criaddura a l'anàgrafi.
L'interlocudori A è l'impiegaddu di l'anàgrafi, mentri l'interlocudori B è lu babbu o la mamma di la criaddura. isciubareddi la parthi e fabiddeddi cumentu si cunveni a la situazione.

II. Monòrogu di 2-3 minuti. Isciubareddi una di li tre situazioni pruposthi e fabiddeddi cumentu si tocca a lu rolu chi abeddi, arghumintendi in manera coerenti.

1. Seddi un/una cunsiglieri cumunari e vuriddi prupuní una mudífigga o un'iniziatiba (suzziari, ambientari, uibanísthigga...) chi podaria migliurà la vida di li zittadini.
2. Seddi dibintaddi prisidenti di la Cunsultha pa' li puritigghi linghístigghi: prisinteddi l'incàrriggu e ippiegheddi ca prinzipi abaràni ad assevvi e la visioni di lu mandaddu vosthru.
3. Abeddi di prisintà a lu Cunsigliu di crassi li risulthaddi d'un prugettu (veru o immaginaddu) chi abeddi fattu drentu a l'annu ischorasthiggu appena finiddu. Ipiegheddi ca érani l'intinzioni a l'ischumenzu e li risulthaddi riali chi so arribiddi.